



UNIVERSITÄTS-
BIBLIOTHEK
PADERBORN

Universitätsbibliothek Paderborn

Viridarivm Sanctorvm

Ex Menæis Græcorum lectum, translatu[m] et Annotationib. similibusq[ue]
passim, historijs Latinis, Græcis; editis, ineditis illustratum

Rader, Matthäus

Avgvstae Vindelicoꝝ, 1607

S. Svsanna Qvæ Et Ioannes.

urn:nbn:de:hbz:466:1-43013

ANNOTATIO.

Non est hic notus ille Arsenius Arcadii & Honorii magister, quo de Latini XIII. Cal. Augusti, & Græci VIII. Idus Maii in sanctorum fastis agunt. Hinc ad discrimen illius, hic Arsenius in Latro nominatur.

Pr. Decēb.

S. SVSANNA QVÆ
ET IOANNES.

HÆc Maximiani Imperio vixit, ex Palestina, patre Idololatra, matre Iudæa oriunda, quorum impietatem amborum detestata ad Christum confugit, sacroque baptismatis fonte à Siluano Episcopo lustrata, parentibus morti concedentibus, opes omnes in pauperes effudit, seruosque & seruas omnes manu misit. Ipsa virili veste sumta, ad venerandum quendam patrem se contulit, rafaque in monachum Ioannes est indigitata. Vbi cum vicesimum ipsum annum peregisset, calumniã est passa. Monacha quædam ventitare ad cœnobium solebat, visamq; illam putabat virum esse, atq; ad lasciuiam sollicitabat: repulsam passa à Ioanne, cœpit illam criminari, perinde quasi vim sibi inferre esset conata: Susanna seu Ioannes crimen non refutauit, sed quasi reã se ad satisfaciendum pro illius voluntate para-

paratam ostendit. Quod cum Episcopus Eleutheropolitanus intellexisset, quid inquam, in monasterio designatum diceretur, Præpositum vehementer corripuit; qui sacra illam veste monachi exuere decreuit. Hic Susanna inter angustias deprehensa, petiuit vt binæ virgines, binæq; diaconissæ feminæ vocarentur; quibus se quæ esset aperuit. qua re attonitus Episcopus Susannam quoque Diaconissam creauit, cæterisque præesse voluit. Multa verò memorandaque miracula hæc patrauit. Prætor Alexander, cum Eleutheropolim venisset, & Idolis adoleret, hæc sua sponte accessit, & solis precibus simulacra in terram deiecit, qua de re postulata, prætori sistitur, papillisque multatur, sed diuinitus curatam cum carnifices ipsi viderent, Christo nomina dedere, capitisque supplicium pertulere. Sed beata Susanna plumbum igne liquatum, perque canalem in os iufusum per intestina, sine vlla corporis offensa effudit. Virgis cæsa, & rogo imposita DEO spiritum commendauit.

ANNOTATIVNCVLA.

DE feminis viros cultu simulantibus supra ad Sanctæ Apollinaris, fusè actum. Huius quoque

que vita in menologio 20. Septembris describitur,
quo die Martyrol. Rom. eandem commemorat.

28. Dec 2b. DE S. MODESTO AR-
CHIEPISCOPO SEV PATRI-
ARCHA HIEROSOLY-
MORVM.

CAtholicis parentibus hic natus Seba-
stæ, patre Eusebio, matrè Theodula,
quæ non pariebat, precibus amborum da-
tus est hic filius, (eximius postea pater,)
à Deo, post quadragesimum initi matrimo-
nii annum. Nato verò istoc, pater accusatus
est apud Maximianum, quod Christum
profiteretur, comprehensusque in custo-
diam datus. Quod cum Theodula intelle-
xisset, & illa pariter cum filio ad carcerem
properauit, In quo ambo Dominum pre-
cati, in manus angelorū animas in pace e-
diderunt, martyres iam voto effecti, quos
carceris custodes cum defunctos reperis-
sent, puerum inter mortuos viuum iacen-
tem, ad Maximianum detulerunt, quin-
tum mensem primum agentem, quem vt
liberalem & amabilē Imperator vidit, cui-
dam ex ordine senatorio magnâ cura edu-
candum commisit, vt qui dignus videretur,
quem